

太上老君說常清靜經註

都梁朱學清庵瑩蟾子字道純註

老君曰大道無形生育天地大道無情運行日月大道無名長養萬物吾不知其名強名曰道

綏言可道即非常道既不可道何以名道嘆只這道之一字已道了也視之不足見聽之不足聞得之不可得用之不可既惟惚惟恍不屬聲聞曰希

曰夷無有定體若作聲聞會不足以成道若作定體求不足以應變道雖無形因天地生育其形可見道雖無情推曰道運行其情可察道雖無名

萬物長養其名曰道易曰云在天成象在地成形變化見矣非道之形乎又曰鼓之以雷霆潤之以

風雨日月運行一寒一暑非道之情乎又曰乾道成男坤道成女非道之名乎道本無名聖人立

名道者通天下之萬變歸天下之殊途坦平養直大略之謂也

夫道者有清有濁有動有靜天清地濁天動地靜男

清女濁男動女靜降本流末而止萬物清者濁之源濁者靜之基人能常清靜天地悉皆歸

萬物悉皆歸靜之理已存清濁既分動靜之機始

發清而昇者曰天濁而降者曰地天地一闔一陰陽互動互靜機誠不已四時成焉萬物生焉天地之性人為貴人於物之最靈男法天女法地男清女濁即天地升降也男動女靜即天地闔闢也天地細縕萬物化生降本流末生生化化而無有休息太上始言無形無情無名天地之始次言有動有靜謂有名萬物之母也若復有人知此兩者同出異名則知清濁本一動靜不二流雖濁而其源常清用雖動而其體常靜清靜久矣神與道俱與天地為一

清靜地

天人神好清而心擾人心好靜而慾牽之若能常返其欲而心自靜澄其心而神自清自然六慾不生三毒消滅

有道之士常以道制慾不以慾制道以道制慾神所以清心所以靜至道與神混混沌淪淪周乎三才萬物應變而無窮至廣大盡精微矣苟以慾制道失道者也失道之士欲心一萌無所不至權利牽於外念慮萌於內心為物轉神為心役心神既不清靜道安在哉常能制慾則歸心不動歸心不動則自然澄澄湛湛絕點翳純清復其本然清靜

之大矣何憊之有易傳云山下有澤損君子以懲

忿窒慾其斯之謂歟

所以不能者為心未澄慾未遣也能遣之者內觀其
心心無其心外觀其形形無其形遠觀其物物無其
物三者既悟惟見於空

太上云清靜為天下正所謂正者至公無私也惟

天理之至公為能勝人慾之至私世人所以不能

造道者非不能也為物慾之所眩也絕慾之可必

先忘物我忘物我者內忘其心外忘其形遠忘其

物三者既忘復合天理是名大即良止之義也見

云良其背不獲其行其用不見其人無咎良其

背即內觀其心心無其心也不獲其身即外觀其

形形無其形也行其庭不見其人即遠觀其物物

無其物也無咎即無欲也太上云咎莫大於欲得

即此義也至於物慾見空則清靜之天復矣

觀空亦空空無所空所空既無無亦無無既無

湛然常寂寂無所寂欲能生欲既不生即是真靜

真常應物真常得性常應常靜清靜矣

欲使萬事不是空一以貫之終歸無物此遣慾之

要也以空遣慾慾既不生和空亦無空既無矣無

正一天師清微弟子洪百堅製作

亦無也無無既無湛然寂然湛寂亦無是名真靜

湛然常寂者凝神入空寂也寂無所寂者融神出

空寂也所謂真靜非不動也若以不動為靜則是

有定體也有定體則不足以應變所以真常應物

真常得性者動而應物而真體不動也作如是見

者常應常靜常清靜矣

如此清靜漸入真道既入真道名為得道雖名得道

實無所得為化衆生名為得道能悟之者可傳聖道

寂然不動為體感而遂通為用是名真諦至於體

用一源顯微無間真常之道得矣得之一字亦是

強名若謂實有所得則不足以為道聖人惟恐世

人不知有無相生之理落斷常邪見故以得道委

曲成全使其積漸而至頓成也至於嘿而成之不

言而信聖道可造也所謂傳者不傳之傳也聖道

者聖而不可知之之謂也

若君曰上士無爭下士好爭上德不德下德執德執

者之者不名道德

遵儒書不爭之言行釋經無爭之行此一法出於

無法洞觀真契是名上士也下士則不然下士之

心好勝常自滿自見是自矜伐致爭之由也纔有

微善執為已德吾必謂之無也上士返是上士晦
德以謙自牧不自見是不自矜伐夫惟不爭故天
下莫能與之爭太上所謂上德不德是以有德即
此義也執著之者德尚不明何以明道哉
衆生所以不得真道者為有妄心既有妄心即驚目
神既驚其神即着萬物既着萬物即生貪求既生貪
求即是煩惱煩惱妄想憂苦身心便遭濁辱流浪生
死常沉苦海永失真道

下士好爭執德為有妄心所以然也古德云常滅
妄心不滅照心一切不止之心皆妄心也一切不
動之心皆照心也妄想一萌邪正分攝機一發善
辱判可不勉哉妄心不止生種種差別因緣至於
涉微逐觸禍機落離趣本有不甘於妄心也學道
之士固當謹始始若不謹焉得有終妄念始萌不
自知覺神為心役心為物牽縱三尸之熾盛為六
慾之擾攘豈得不着物即着物之故貪求心生既
生貪求即是煩惱妄想種種相緣無由解脫至於
憂苦身心便遭濁辱流浪生死常沉苦海永失真
道良可悲哉所以妄想之心輪迴之根本也衆生
所以不得真道者為妄想心不滅所以然也

真常之道悟者自得得悟道者常清靜矣

七一〇

見在此身亦從妄想中來身生而後有情緣情緣
而後有憂苦妄增緣起直入輪迴前無始而後無
終者衆世皆然惟悟道者照心常存照破種種緣
相皆是妄幻勿令染着照心既存妄心無能為也
久久純熟決定證清靜身作是見者真常之道得
矣所謂照心者即天心也真常者即無妄也了悟
此心則有妄之心復矣無妄之道成矣無妄所以
次復也易曰復其見天地之心乎到這裏纖芥也
微悉皆先照至於如下動了了常和至覺至真
常清靜真常之道至是盡矣聖人能事畢矣

上老君說之清靜經注